

C A P U T II

definitionem εσιώδη explanat.

Ὅτι αἰτία *essentia* causi ut omnibus innotescat, necesse est, ut tam Galeni, Medicorum Phosphori, tum ipsius Aristotelis vestigia ac monita legamus & observemus.

Ille definitionis magnam esse dignitatem, asserit in *definitionibus medicis*, dūm ὁρῶς ἐστὶ, inquit, λόγος τὸ εἶναι δειλῶν, *definitio est oratio, qua ipsam rei declarat essentiam.* Hic 2. *poster. analytic. cap. 3.* ὁ ὁρισμός ἐστὶ τῆς εἰσίας γνωρισμὸς, *definitio est id, quò essentia alicujus rei fit manifesta.*

Ponimus nunc definitionem causi συνθετικῶν, priusquam ejus analysin subjungamus, quæ talis est:

FEBRIS ARDENS, seu καῦσος est intemperies calida cordis & totius corporis, continua, non remittens, conjunctum habens calorem exurentem & sitim inextinguibilem, orta à biliosò vel pituitosò falsò sanguine putrescente, vel in omnibus, vel majoribus, vel saltim in maximis cordi propinquis vasis.

GENUS seu formalis ratio est *intemperies calida.* Hæc uti essentiam febris in genere determinat, consentiente Galeno 8. *method. cap. 1.* & lib. 8. *de pulsibus cap. 3.* ita etiam rationem formalem febris ardentis in specie constituit.

Causus est ἀνάθεσις τῆς φύσιν, *præternaturalis constitutio, accidens scilicet, quod cūm ad causarum & symptomatum classem ritè associari nequeat, ad morbos partium similariū, non dissimilariū, & quidem intemperiei commodissimè refertur, ob calorem præternaturam.* Morbus hic non levis, sed acutus est.

Calor seu τὸ θερμὸν ἐμφυτὸν, *calidum innatum* & τὸ θερμὸν τῆς φύσιν, *calor præternaturam* nequè genere, nec specie aut numero differunt, sed naturâ & origine elementari invicem vitalis ac febrilis conveniunt. Aliter licet se habere videatur calor febrilis, at tamen ἕκ ἐστιν ἄλλο, ἀλλ' ἀλλοῖο, *non est alius, sed diversus.* Alietas modi non facit aliam rem ipsam.

GRA.